

160977

I²²⁷
541

目錄

序

古體詩

五言律詩

五言絕句

六言詩

七言律詩

七言絕句

詞

歌行

頁
數

七

一九

三三

三七

三九

一九七

二五五

二五九

徵詩專頁

二九一

跋

三五七

目錄

頁
數

序

三

古體詩

七

五言律詩

一九

五言絕句

三三

六言詩

三七

七言律詩

三九

七言絕句

一九七

詞

二五五

歌行

二五九

徵詩專頁

二九一

跋

三五七

序

詩經大序有云：「在心為志，發言為詩。」是知詩以陶寫性情，而人各有性情，故亦人各有其詩之風格耳。

顧人生有哀樂順逆，身世之痛，家國之恨，往往為天地而泣鬼神，莫不一吐為快。苟如是，則字字皆出自肺腑中耶？古今詩詞之所以作，在寄雋語之所以發，大率皆至情至性之流露者也。

吾人遭逢世變，身浮海外。望故國

之河山，徒勞魂夢，念同胞之淚血，每覺
心傷，今幸文緣萍聚，南味懷投，爰組
四海詩社，並於紐約聯合日報特闢「四海
詩聲」專欄，刊，用資唱酬，一抒悲憤，可
詎以文會友，以友輔仁，其立於乎？且
秦火劫餘，邪說盛行，唐宮月冷，澤苑
花飛，起衰振敝，端正人心，此書生報國
之職志也。况復中華文化海外之傳播，尤
為中華兒女份所左顧右哉？

今幸為南洋詩學，並獲聯合日報及中

華電台特別贊助，舉辦金榜題名，當代詩詞獎徵詩。左徵作品，來自世界五大洲，佳作不勝枚舉，盛況空前。斯輯之編，即所以提倡我國固有文化，並誌雪泥鴻爪云爾。

乙丑中槐 李駿芳序於紐約觀瀾樓

--	--	--	--	--	--	--	--	--	--

古體詩

喜洪陶雪珍子媳雙成碩士並在美就業

丁潤如

新舍開東閣。朝陽出遠天。倚天雙玉樹。照耀彩雲邊。爾志今竟成。
我願得以全。併肩緊携手。裕後更光前。吾家世忠厚。混混有源泉。
努力培德基。積善修心田。辛苦亦何久。珍惜乃自然。昂首對遼瀾。
笑意來涓涓。

仿試帖體奉贈騰達室主人

李盈潘

騰飛鵬展翮。達立士持心。君子區仁暴。丈夫尚正壬。詘伸隨所遇。
良歹豈同斟。宦海忘懷久。硯田寄意深。崇樓比樹石。鬧市亦山林。

花插呈華彩。鳥啼送好音。自由身慣住。不速客常臨。室雅洵多樂。朋來更共吟。

室隅

前人

室隅栽數樹。鬱鬱自成陰。雖此非高木。蔚然亦小林。南窗浮翠靄。清氣滌塵襟。欣得榮華趣。而無霜雪侵。冬寒百卉盡。春意一樓深。聊樂幽居寄。何勞勝地尋。茶煙時作伴。爲助我閒吟。

早起

前人

宿鳥動窗前。啁啁鳴曉日。清晨少市聲。早起神安吉。寒露報深秋。晴光照滿室。閒烹雀舌茶。朝氣芳香溢。靜坐無所思。曠然俗慮失。人憐我獨居。我自得恬逸。

南浦乘涼

紐約曼哈頓南端
瀕臨哈德遜河

前人

炎炎夏晝長。悄寂渾無賴。何處好乘涼。向稱南浦最。澄江洸洸流。
濃樹陰陰蓋。白日斂層雲。清風生爽籟。放懷天地間。憩息囂塵外。
所遇靜而幽。我心安且泰。營營終日人。此意焉能會。

壬戌除夕

前人

歲暮苦天寒。沉復值除夕。大雪正紛飛。厚堆逾兩尺。不聞車騎過。
街少人行跡。時有急聲雷。電光照室白。鄰家慶團圓。我獨爲異客。
何以遣旅懷。茶煙與書冊。閑居常扃戶。恬靜自安適。今夜一年除。
明朝新歲易。

次韻敬和懷丕丈仿試帖體奉贈騰達室主人

李駿發

雄飛憑劍胆。雌伏賴琴心。湖海多奇士。廟廊誤佞壬。忠奸宜有別。
善惡詎同斟。君子利名淡。小人意氣深。羈身雖市井。隱跡在儒林。
村女何堪目。朱絃孰賞音。酉雞隨歲往。戌犬逐春臨。已作寒梅頌。
更成白雪吟。

觀瀾樓漫興

李駿發

(一) 五古

斜陽噬樹影。海天兩蒼茫。掛葉蟬聲脆。遠渡有歸航。垂楊穿彩蝶。
荷氣透橫塘。閒吟愛李杜。對尊學楚狂。志士頭漸白。海外仍爲客。
悠悠我心悲。書劍空籌策。秋土濕青衫。思婦傷紫陌。回首故山雲。

冥鴻初振翮。

(二) 七古

李駿發

赤日當空有若火。披卷南窗引椅坐。黃鸝嚙舌枝上啼。有客停車在道左。
戛然一聲破長空。碧雲朵朵從天墮。後苑芭蕉自捲舒。却笑紅粧添素裹。
卅年往事看雲烟。山容水色入簾前。萋萋芳草爲誰綠。半杯濁酒我欲眠。
自古潛龍思深水。從無凡翼上青天。只見流螢照夏夜。何如皓魄滿山川。

(三) 七古

李駿發

觀瀾樓上望天低。驚濤拍岸亂鴉啼。點點風帆烟水濶。海鷗逐浪柳拂隄。
撫長劍，歌長謠。搔潘鬢，惜沈腰。安排強弓射大鵬。好待歸看浙江潮。
潮來潮去愁如織。自古詞人知愛國。滄桑幾度夕陽紅。大好神州滿荊棘。

風蕭蕭兮徒太息。連天碧草傷心色。沉吟志士淚沾衣。一髮青山入望微。
所南心史劍南稿。剩水殘山戀依依。

胡意秋詞長膺選蟬聯五屆僑校校長謹賦古體乙章以賀

李駿發

朝市自古爭名利。從來山水歸仁智。一聲空谷來足音。作意栽花平生志。
卅年桃李遍江濱。占盡白沙堤上春。鵝湖幾度風和雨。吹白當年黑髮人。
更堪長鯨翻巨浪。又見晴空起烟塵。誰知乾坤袖裡出。吾道不孤必有鄰。
幽蘭吐秀雨初霽。千山喬木葉未敝。萋萋芳草多無名。傲雪寒梅不世態。
一樹暗香滿鬢宮。鬢宮屹立帝城東。豈容左道遊車轉。花開五度疏影中。

默翁寄示「有酒且斟之」次韻奉酬

余璞慶

世人多甘酒。唯貴遠來舶。醞釀百餘年。益中增氣力。試看豪門宴。
三巡不顰赤。慷慨起歌呼。論談語膈塞。邇來重土釀。風氣異疇昔。
對月坐瓊筵。各適其所適。君迺酒中聖。能起疲癯瘠。孤寒要此人。
幔亭休自匿。舶來性醇醲。醉舞劍三尺。麴蘖醇辣甜。佳名動萬國。
光生詩酒人。膈胸無畛域。醇辣與新陳。好收藏諸宅。我輩葛天民。
身化億千百。休懷千歲憂。休懷朝與夕。有酒萬事閒。有道群魔惜。
擾擾復滔滔。十年金粟側。

風雨襲灣區

并序

舒曼霞

十一月廿九夜，狂風暴雨，吹得門窗搖搖欲墜，驚駭萬分。默念無家可歸

露宿街頭者，此刻如何度過？思之，不禁潸然淚下，轉側難眠，遂起身披衣賦此。

颶風名艾娃。日前襲檀島。臨去挾餘威。又將加州掃。雨驟更風狂。門窗搖欲倒。洪流奔曠野。低處溝水冒。雨急風愈厲。街道成池沼。有車駛不得。行人苦此潦。牆傾屋瓦飛。鬼哭並神叫。掀宇瀑轟聲。災耗未了了。可憐無屋人。露宿偕妻小。失業已多時。出多入漸少。衣單不禦寒。三餐豈溫飽。汝不同情彼。反增其煩惱。澳洲苦乾旱。緣何汝不到。來灣區肆虐。徒把百姓擾。腐儒念蒼生。寸心似刀絞。無力可回天。賦詩得汝討。

日昨忽有感懷以古風兩首代書

答李社長駿發先生詩意(一)

湯道明

今夕豈無伴。春花向我開。明月雲間出。故人詩裡來。細聽故人詠。
隨月共徘徊。徘徊隔千里。如月懸樓台。相識祇相憶。不如不相識。
相識有我心。一字值千金。千金不易得。友誼更難尋。春花開復落。
明月圓還缺。願似江河水。萬古流不歇。

(二)

寂寥山月下。山月隨我行。照我至河畔。伊人隔水清。牽牛與織女。
路遇共遠征。織女雖七襄。欲步未成章。牽牛不服箱。饑渴無酒漿。
北斗幾重闕。南箕枉舌長。盾星在瑤外。茅星在盾旁。盾茅互相拒。
使我絕中腸。